



Dakwaan lindungi perniagaan haram di Sungai Buloh

3 penguat kuasa MBSA, pengarah jabatan ditahan

SPRM sudah tahan 9 kakitangan sejak video tular

Oleh Irah Hafiz Aziz
irahhafiz.abdulaziz@bh.com.my

Kuala Lumpur: Empat kakitangan Majlis Bandaraya Shah Alam (MBSA) termasuk seorang pengarah jabatan, ditahan Suruhanjaya Pencegahan Rasuah Malaysia (SPRM) selepas disyaki terlibat dalam sindiket melindungi premis perniagaan haram di sekitar daerah Sungai Buloh, Selangor.

Penahanan pengarah berusia lingkungan 50-an itu dan tiga penguat kuasa terbabit, menjadikan seramai sembilan kakitangan pihak berkuasa tempatan (PBT) berkenaan ditahan SPRM sejak operasi khas dijalankan susulan isu premis perniagaan haram di Bandar Baru Sungai Buloh, Selangor, tular.

Pengarah berkenaan ditahan di Ibu Pejabat SPRM di Putrajaya pada jam 10 pagi semalam selepas penahanan tiga penguat kuasa MBSA yang berusia antara 40 hingga 43 tahun di lokasi sama pada jam 2 petang kelmarin.

Lelaki terbabit kemudiannya dibawa ke mahkamah di Putrajaya kira-kira jam 3 petang semalam dan dibenarkan ditahan reman sehingga 19 Ogos ini untuk siasatan. Terdahulu pada sebelah pagi, tiga penguat kuasa yang



Anggota SPRM mengiringi tiga penguat kuasa MBSA ke Mahkamah Majistret Putrajaya, semalam.

(Foto BERNAMA)

ditahan pada jam 2 petang kelmarin turut dibenarkan ditahan reman selama enam hari.

Timbalan Ketua Pesuruhjaya (Operasi) SPRM, Datuk Seri Ahmad Khasairi Yahaya ketika dihubungi *BH*, mengesahkan penahanan terbesar itu, namun enggan mengulas lanjut.

Khasairi lalu, seorang penolong pegawai penguat kuasa diraman tujuh hari untuk membantu siasatan SPRM berhubung kes merentasi rasuah bagi melindungi premis perniagaan haram di Sungai Buloh.

Sebelum itu, empat penguat kuasa PBT sama juga diraman tujuh hari bagi membantu siasatan kes sama.

Kes membabitkan perniagaan haram di Bandar Baru Sungai Buloh itu menjadi hangat apabila tular dua klip video sebelum itu yang mendakwa pihak berkuasa tidak mengambil tindakan terhadap operasi premis perjudian dan warga asing yang menjual rokok seludup di kawasan berkenaan.

Pendakwaan berkenaan dibuat memalui laman sosial Facebook

Hot Burger Malaysia dan dikongsi akaun Mohd Asri Hamid, 42, yang turut dikenali sebagai Asri Janggut.

Susulan itu, SPRM melakukan siasatan terhadap dakwaan berkenaan dengan kerjasama Jabatan Integriti dan Pematihan Standard (JIPS) Bukit Aman sebelum menahan penguat kuasa MBSA serta seorang peniaga.

Difahamkan, mereka yang terlibat melindungi premis perniagaan haram itu didakwa menerima lobiwan antara RM300 hingga RM3,500 secara bulanan.